

高縣

志

江南楊子公題

新纂高臺縣志序

爲政者諮獻而徵文則有以知其因革利病有所施設乃弗戾于俗而其地之所有亦衆矣發其光氣焉高臺故無志而設治最古在漢晉間當樂涓會水表是諸縣封域不可詳其山有祁連合黎磅礴鬱積騁靈而聳秀又爲西陲周道關內外箱轂輪挽稱要區其民質樸而守禮教重信義猶古之遺願志乘缺不舉徐知事家瑞者余所署吏歷試有治效以令茲邑穀熟而民愉乃于興學勸工之隙發憤爲此志事雖草創而築基礎以俟方來其勞于斯土閔且遠矣今之知事百政所賴賢者日不給不肖者逐益解弛以畢力于催科徐知事循循于庶事理而本治裕更能急人之所不急澡雪邊隅揚權風物其可謂知務也已合肥張廣建

序一

管者姬代鏡寓孽撥國間外史職掌鼠竄方志春秋檮杌箸錄之簡猷與蘇黯董狐珥筭之倫雲蒼遂世
邑志盡率于斯第邑無史官古誼寢默蒐殘網逸私家是賴泊夫通志厚崇徵集方志郡邑守令鼂諮夕
諏開館后局驚趨齎集而后志乘始稍稍出焉揆厥撰述蓋有三難史鴻未諳從事編纂本末迕舛詞指
蕪穢一難也暢達史例拙于屬辭巴曲郢說連篇臬牘二難也製資衆手成非一人雅鄭雜奏薰蕕並列
三難也雖然文獻零落攷古之羞典章湮晦守土之責若必埃班馬博學而后言操觚後陳范瓌材而后
語授簡則草昧結繩胡可記事夏五郭公悉成疑讞拼方徠覽古之士得毋愴然生無涯之喟者乎隴右
行省僻處邊徼各縣志乘闕焉弗備高臺一邑尤瀕西極文化實穠紀載闕寡崆峒雲霧淒迷黃帝之宮
弱水舟迴縹渺神禹之蹟閱僞之彥靈焉傷之徐令季清權篆斯邑下車伊始百廢具舉陟北涼之故城
問天桑欬弔西臺之隕址望古遙集甄材鄧林瓌珠赤水月不數匝剋期卒業郵致藁本問序于余夫其
摹路藍縷弗避艱辛大輅椎輪罔憚劬瘁其志已可嘉矣若迺網舉目張條分件繫繩以史例大端不整
其有出入亦時代所扼匪故抉藩掖覽之餘間加商榷隙厥一得曾不慙屏佗日授之副墨傳彼維誦絜

新纂高臺縣志

序

一一

諸古名志雖未窠筌若而榛荆既闢先馬可導齋章甫于荒壤玉塞于焉含溫植橘柚于玄朔龍沙爲之
益耀送之履斯域者采風月湖之濱觀政緞崖之麓崇山峯峩毋忘簣土巨川滇沔溯源勺波庶亦獲所
憑藉歟

中華民國十年歲次辛酉冬月甘肅督軍銅山陸洪濤序



序二

肅州在漢爲酒泉自武帝斥地開境擊西羌築令居遂廓版圖而郡縣之然紫塞負險玉門阻兵祁連之戍平川之堡古所稱爲羈縻之州者大抵重武衛而輕文教其宦蹟之著者率以邊功顯若漢段彭翟酺之守酒泉唐公孫武達之刺肅州其尤章章也余考漢志酒泉編戶萬八千元史載千二百戶迺不逮漢之什一以戶籍之登耗考邊陲之沿革則吏治之闡葺風俗之胥窳財力物力之凋敝可知矣歲辛酉余攝甘肅省長篆嘗與僚友以勤求治理相勗勉每歎天水隴西漢置列郡涇原平涼唐隸諸道而數千年來曠土同於甌脫聲教阻於遐荒不可無西蜀文翁之化以風動之而徐君家瑞適宰高臺惻惻無華獨能以經術潤吏治簿領餘閒復修輯邑志以體例相商推時余方執掌而未遑也比余解組歸君亦旋倦游而返乙丑孟夏君修志竣而問序於余高臺僻在邊徼文獻罕徵君之修志視他邑爲尤難余是以樂而序之且君挂檄旣數年而惓惓不忘於舊治者如此如之何而使民之忘之也庚棄楚居畏疊之山三年而歲則大穰君嘗以邊區磽瘠無川澤之利山林之饒迺採木棉之種徧栽於四境因勢而利導之今已蔽芾如甘棠矣貨殖有傳食貨有志其裨益於利用厚生者甚大亦紀物產所不可闕也例得附書二等寶光大綬嘉禾章前護甘肅省長陳闇序

新纂高臺縣志

序

三

序四

高臺一邑北瞰朔漠南矚祁連東眺羌谷西隄嘉峪矜喉邊陲綰轂絕徼蓋所謂防禦之阻道隴中之隩區者也若其擷菁金天掣煦羲馭田疇肥沃華實豐懋渠流衍瓌富媪貢祕猗其盛已第地介遐僻文物晦塞縣志之修闕焉弗備余昔於甲寅權宰斯邑更歷三稔雖于學校之建置道路之修治風俗之整飭物具規畫而志乘一端有志蒐輯卒未遑暇今歲巡視蘭山駐轡會垣適徐君季清新纂志成問序于余紬繹既竟竊歎其致力之勤用心之苦而余昔年未逮之志亦藉以稍慰不其禕乎又嘗以爲志乘之事關乎史學昔章氏實齋斷斷乎二便三長八忌四要是以操觚之倫偶或不慎舉趾卽躓矧夫言志于高臺蕪蹇之况倍蓰他域何則向無志書傳怙剏造甄集接訪輒罣荆棘草昧未肩典籍寥落童山确壤無所取材具斯二難才者赳赳今觀茲編體例精采攷證詳確洵有美以必臻信難能而可貴而黃帝之遺躅神禹之往蹟愈益符采炳麟昭煥粲爛焜耀來葉垂厥億載其功尤鉅其志丕褻遂迺率莫嗶引傳諸雜誦云爾

民國十年巡視蘭山道屬使者前高臺縣知事宜與徐仁鑑序

序五

今之談時務者動曰文明進化矣而運會所趨潮流蕩激世道駸駸乎日非救其弊者是在勵氣節以正人心維綱常以端風俗第不借前車之鑒爲後事之師仍茫然無所觀感則修志尙已夫志者史也縣志者卽史家誌地理之遺也吾邑自漢設治以來始稱樂涪屬酒泉郡迄乎前清沿明高臺所定名高臺屬肅州直隸州其間滄桑屢經邊鄙遠雖崎材魁碩之代興無裨官野乘之可考文獻不足良用慨然清光緒中邑令陳公抱積學負時望念軼行之無徵將從事於蒐輯以募資遭謗橫生阻撓遂寢其議民國肇造夏歷庚申之歲嘉定徐公季清由金塔令移治於此甫下車延耆舊廣諮博詢徵求故實毅然以修志爲己任而興禮立樂首重祀事捐俸建名宦鄉賢忠義節孝四祠俾崇風教他如振興學校傳習工藝勸種棉以厚民生掩枯骸以弭疹癘百廢具舉政令一新高民歌來暮焉須敬適里居摻樞政朝夕奉徐公教言乃呂士紳農商於縣庭徐公勗議設志局從事纂輯不避艱辛屬須敬分任其勞須敬甄錄之暇見夫徐公任事之毅披輯之勤考證之博私相欽歎稿既脫徐公更付聚珍版以期流傳毋使遺失是卽徐公之所以正人心端風俗者胥於斯志見之已而翊贊之勤則錢君續夫爲力多也後之人流覽篇章景行賢哲其亦奉爲圭臬而矜式之以永永於無窮乎

序六

高臺居南北兩山之間控扼番蒙爲出塞衝途自前清雍正間併所升縣歷春秋二百有餘紀而志乘闕如誠憾事也夫吾邑文獻雖鮮可徵而父老流傳詎無可採矧咸同以來滄桑變易兵燹摧殘其間貞魂毅魄俠氣英風足令人俯仰感慨可歌可泣者指不勝屈假令烟銷塵滅與草木同腐致使上下數百年軼事幽光莫由闡發後起者茫乎莫據雖欲傳無可傳焉不尤爲憾事耶邑侯徐公鳴琴吾邑政績爛然剴精揆思勒爲一志舉吾邑人之有志未逮者而毅然爲之舉吾邑人之分任不遑者而獨力任之自今伊始舉吾邑山川城郭人文風俗以及文物制度忠孝節義莫不因鴻藻潤色而顯於當時傳於後世于斯歎賢邑侯之卓識偉度爲不可及也已邑人薛樹勳謹序

新纂高臺縣志自序

縣之有志猶家之有譜國之有史也志也者所以紀一縣之山川經界人文物產政教風俗也其所關豈淺鮮也哉歲庚申夏瑞奉檄縮高篆視事後清理卷牘飭吏檢志書則以無纂本對心竊異之夫高臺爲古樂涪地設治既久何至上下一千載竟無一人焉爲之編輯而成書耶顧言之易而行之維艱良以地處邊陲化同草昧既無書籍又乏通材此而欲徵文考獻洵戛戛乎其難之雖然旌善闡幽有司之責一歌一謠軒車採焉迺自漢唐以來海田屢變保無有忠臣孝子義士畸人節婦烈女之湮沒其間而弗彰者乎矧國體新更今昔異形若不於此時而纂述之恐遲之數百年後將更有不知魏晉之嘆矣瑞於是揣固陋毅然而爲之重採訪以求核實彷彿體例以期合格詳考證以免附會區區之私無非欲以紀一縣之山川經界人文物產政教風俗已耳或者曰志者史也無史之才學識不足以言志瑞才同襤屨愧無學識且綜兵刑錢穀之繁於一身倉猝無暇細究明知罅漏錯誤之譏在所不免不過留此稿本作爲辭命之草創若夫修飾而潤色之則有待於後之君子也遑云才學識乎哉志旣成姑弁數言以爲都人士告

中華民國十年十月江蘇嘉定徐家瑞敘於高臺縣署虛鑑堂

高臺縣修志銜名

總審定

國務院存記簡任職 甘肅省長兼督軍署祕書長清舉
人二次保送經濟特科選用郎中 程先甲

總纂

簡任職升用 原任固原縣知事調署高臺縣知事前清舉
人內閣中書日本東京高等工業學校畢業 徐家瑞

幫總纂

一等金色章 前清山西候補
府經歷附貢生 現充高臺縣公署科員 錢昌緒

分纂

一等金色章 前清分省補用
府經歷歲貢生 現充高臺徵收局局長 閻須敬

高臺縣視學前清廩生甘肅省立師範學堂畢業 王擢儒

校對

清分省直隸州判恩貢生現充江蘇賑務處委員 吳前楣

經理


新纂 高臺縣志

修志銜名

八


二等銀色章現充高臺縣行政公署科員清附生 馬得山

高臺縣與地全圖



附 號

營路	邊	縣	縣	地	少	山	湖	河
路	邊	縣	縣	地	少	山	湖	河
路	邊	縣	縣	地	少	山	湖	河



新纂高臺縣志卷一

輿地上

分野附經緯度 暑度

禹貢云黑水西河惟雍州本秦地爲古雍州城史記天官書東井與鬼雍州之分漢書地理志云秦地於天官東井與鬼之分野晉天文志云營室東壁則敦煌武威諸城應焉言酒泉入營室十一度張掖入營室十二度高臺當在營室十一度四十分之間

按分野之說肇自周禮保章氏顧兩漢以來言天文者半出附會識者議之周天二十八宿羅列迴旋而星文專主中國不涉海外揆諸覆載無私之義已覺難解矧十二州古分爲國後改爲郡縣其間增裁剖合歷代變更豈能一一以度數畫之耶第各志具載因采舊說列之以備後人參考

經緯度

經綫在北京偏西十六度四十八分皋蘭縣偏西四度二十二分
緯綫爲北緯三十九度二十四分居溫帶十五度十分

新纂高臺縣志

卷一

暑度

春分	日出六時二十分日沒六時二十九分	<small>晝長十二時九分夜長十一時五十一分</small>
秋分	日出六時五十分日沒六時十四分	<small>晝長十時二十九分夜長十一時五十一分</small>
夏至	日出五時日沒七時三十七分	<small>晝長十四時三十七分夜長九時二十三分</small>
冬至	日出七時二十五分日沒五時六分	<small>晝長九時四十一分夜長十四時十九分</small>

按每日日出沒較皋蘭縣地方遲十七分而強較酒泉縣地方早四分而弱

沿革附表

漢樂涇縣地屬酒泉郡晉因之東晉以後前涼張氏置建康郡故城在今縣城西南四十里俗名駱駝城卽漢樂涇縣舊址北涼段業建都於此尋爲元魏所有後周復置樂涇縣尋省入福祿縣唐初於樂涇地置福祿縣屬肅州嗣聖初置建康軍屬張掖郡後陷土番宋爲西夏所據元屬甘州路總管府明洪武五年宋國公馮勝平定河西改爲高臺站因有臺子寺故名隸甘州中衛景泰七年始設守禦千戶所轄十百戶所隸陝西行都司其鎮夷所於洪武二十九年都指揮馬溥始於黑河之北築哨馬營三十年就哨馬營展築建設鎮夷守禦千戶所三十三年裁革永樂改元總兵宋晟奏復置本所守禦統十百戶所後

離井北行經天泉寺過夾山至金塔縣城七十里

南至紅崖堡一百二十里再南二十里至水關口隔祁連山與青海接界由水關口東南經虎狼戈番族過野牛溝河至西甯大通縣五百餘里又出水關口西北行經討來川至敦煌縣屬昌馬爾七百餘里又循討來川北行至酒泉縣三百餘里

北至六壩邊牆六里再出邊牆北行一百八十里至架梁口墩與額濟納蒙古接界

東南至新墩子威虜墩四十五里與撫彝縣屬威狄堡梨園口接界

東北至四壩邊外道德號屯田二十里與撫彝縣屬平川板橋等堡接界

西南至河清營一百八十里與酒泉縣屬紅水壩接界

西北至鎮夷堡一百一十里再出口二十里至井子夾截沙與毛目縣接界由井子夾截沙北行七十里至雙樹墩再北行七十里至毛目縣城

形勝附十景 鎮夷八景

祁連遠拱合黎近峙白城山顧於前黑河水繞於後可謂屯田用武控扼戎番之要地

黑山峙於東北弱水經於西南山嶺崔巍石峽險隘實屯守要地

新纂高臺縣志

卷一

三

泉水環繞河山襟帶爲甘肅通驛要路三秦鎖鑰五郡咽喉均採州志

十景

北涼故址 距城西南四十里俗名駱駝城卽北涼段業建都處頽城荒剝遺跡猶存四望沙灘一片風物全非弔古者不勝海田之感

西寺崇臺 距城西二十里舊名臺子寺相傳酒泉公李嵩所築寺爲後人修建屢樓挺聳傍臨驛路縣城以此得名邨外綠野青苗掩映山川易動吟興

梧桐仙景 在城南四十里地名梧桐泉又號滴滴泉其源自下而上梵宇琳宮星羅棋布扼勝居中爲眞武宮平天仙姑廟擅叢剝泉石之勝山崇嶺峻綠樹陰濃春柳秋梧煙雨無邊登高瞻仰令人有世外丹邱之想

榆木晴嵐 卽榆木山在城南四十里峭壁崔巍綿亘六七十里爲一縣藩籬內產煤鑛佳者有金星曰金花煤煙火萬家藉以取給風日清和時踞巔游覽萬壑千岩嵐翠蒼蒼爽氣挹人洵巨觀也

稻香綠野 郭外西郊平曠豐碩悉種秔稻清肅川道沈公青崖過高臺留詩有一派平湖水稻香之句卽指此也春夏之交碧毯綫西秧針掩映頗有佳致

屏畫黎山 距城北六里卽合黎山不甚高由東關上帝廟後樓憑眺矯若游龍平鋪雁齒燦列錦屏爲縣治天然關隘自城東北轉折而西蜿蜒數十里接鎮夷崆峒山界迤北與蒙古接壤

河環玉帶 距城北一里餘卽黑河自張掖與弱水會合西行入境爲高臺水利之最大者盤旋西郭外灤洄若帶亦勝景也

湖映月牙 出西關外二里許有月牙湖地當孔道邑人於正中填土爲路兩面湖岸壁合屈曲環繞形類新月湖光清澈蟾輝故名暮春池塘草碧菱花奩青衆鳥浮翔游魚潛泳大有南方景象

建康文塔 縣城南有文林塔高八九丈勢若筆立

太上靈巖 縣西鎮夷堡城北石峽山頂有巨石一方儼似人形俗呼爲老君岩旭照斜陽嵐光發越望之鬚眉如生頗爲神異

鎮夷八景有明翰林岳正詩附後藝文志

黑河古渡 在城東南

紫塞平沙 因黎山色紫山下有流沙故云

蘇臺雲杳 蘇武牧羊臺在鎮番界

新纂高臺縣志

卷一

四

趙墓煙冥 距城北百餘里漢將趙通戰沒匈奴墓在毛目界

石峽晚翠 卽石峽山

紅崖早霞 卽紅崖山

東山峭壁 卽空同山

西嶺生鹽 卽鹽池堡

山川

祁連山 在縣南一百二十里卽中崑崙支脈也崑崙山起自帕米爾東境之蔥嶺沿西藏新疆東行入內地分西中東三部由後藏新疆經青海前藏間者曰西崑崙橫貫青海全部爲長江黃河所自出者曰中崑崙東崑崙卽括地志所載之北條南條中條山脈也由中崑崙分支東北蜿蜒於敦煌酒泉張掖南部者隨地易名曰祁連山曰南山曰大荒山實一山也漢書西域傳祁連卽天山以匈奴呼天爲祁連得名其山有二一曰南祁連名雪山亦曰南山在今甘涼酒泉之南西連阿爾金山以暨蔥嶺卽史記大宛傳張騫自大夏還並兩山欲從羗中歸者是也一曰北祁連卽今之新疆天山由哈密而東環繞於甘涼之北若合黎等山皆是而杜佑通典則謂祁連山自張掖以西至於庭州皆南北周徧不必強分爲二然

就瀛寰全志所載參以實地考驗則祁連山實卽中崑崙支脈自酒泉以至武威與北部之合黎山一脈相延隨地分合其新疆之天山自是另一山脈似不應強爲牽合此山峯巒峻極最高處約達二萬尺四時積雪盈巔如銀堆玉砌望之皎然盛夏冰消水灌黑河利溥張撫高毛等縣山多野獸草木繁茂獵牧皆宜鑛產五金俱備煤礦尤富

合黎山 俗名北山在縣北六里禹貢導弱水至於合黎卽此山也西陲記略合黎山起於山丹至鎮夷石峽口延長三百餘里今按此山實起於酒泉縣西南西行經嘉峪關轉北至金塔縣折而東行越鎮夷石峽蜿蜒於張掖山丹鎮番北部約長八百餘里是亦祁連支脈也童山濯濯無林木土石赤黑相間形如敗灰傳聞或係太古時之火山熄滅者產金銀煤質絕佳昔人謂其產茶不確

崦嵫山 清一統志崦嵫山有四一在高臺縣西北元和志鎮夷城東一十五里有崦嵫山爲黃帝問道處今失名以山向道里徵之卽省志所謂黑山也與合黎山相接邑人因其土石多黑故名按林屋秘本五方有五大空同南在章貢二水合流之南北在涇河百泉之北中在汝河大澤間西抵崑崙黑水東在盤燕白檀之界初黃帝訪廣成於北空同距平涼四十里不遇乃西行經雪山甘泉直至西空同注在肅州福祿縣登山見合黎弱水據此則西空同近是實則崦嵫者空空同也其數五明指金木水火土蓋道家之寓言耳

新纂高臺縣志

卷一

五

石峽山 在縣西北一百一十里鎮夷城北一十里接於合黎山黑河經此流入毛目兩岸石山壁立若門山巔有老君石像蓋俗稱也峽內有斧鑿痕相傳爲神禹所開山上建禹廟邑人祭饗不替

西紅山 在縣西南一百里南接祁連北盡馬營約長四十餘里藥材頗夥山南有泉牧人常飲畜於此大花山 距縣西北一百四十里在石峽山之北羣峯羅列銀鑛甚富相傳明時山西人亢姓嘗採銀於此遺跡猶存今久無開採者

榆木山 在縣南四十里上產榆樹故名東起梨園西盡暖泉延長百餘里與撫彝縣威遠墩分界

白城山 在縣西南八十里石磴曲折有林泉之勝

鵝頭山 在縣西鎮夷城西北五十里以形似名當北虜出入要道

紅崖山 在鎮夷城西一十五里其色赤形如屏障

黑河 距縣北二百步卽禹貢之弱水漢書之羌谷水也其源有二一曰山丹河源出山丹縣南之峽口營西北行挾猩猩堡盤窰溝等水至張掖河合水色黑黯人卽以黑河名之一曰張掖河源在張掖縣西南之八寶山出鶯落峽東北流至城西龍王廟再北行過烏江堡會山丹河水始奔注洪流向稱黑河西北經撫彝縣入高臺縣境再西北至鎮夷出石峽口合來酒泉縣之白河循毛目縣城北流入蒙古額濟

納旗而注於居延海此水自張掖以至毛目延長三百餘里兩岸開渠數千頃數邑人民咸利賴之
擺浪河 源出縣南祁連山北流經鎮差暖泉順德諸堡至苦水口與水關河合流北行經定甯永豐等
堡之西又名羊達子河注入黑河

水關河 源出祁連山自水關口出山北流經紅崖從仁二堡而南向東北行注入擺浪河

石灰關河 源出祁連山之石灰關口亦名西河遵紅崖堡西東北流入水關河

岸門河 卽紅沙河亦自祁連山出北流過紅沙堡入沙磧中

南泉 由縣城東南角流入城內北入馬軍渠

呼蠶水 自肅州西東北流入鎮夷與張掖河合漢志福祿縣呼蠶水東北至會水入羗谷今稱討來河

五壩湖 在縣東一十二里

黑泉站家湖 在縣東四十里

大蘆灣湖 在縣東北二十里

鴛鴦湖 在縣西一十里

七壩湖 在縣西二十里

新纂高臺縣志

卷一

六

月牙湖 在縣西北二里許

高臺站家湖 在縣西北五里

水磨湖 在縣西北一十里

海底湖 在縣西北一十里

葦場湖 在縣西北一十五里

狼窩湖 在縣西北二十里

李家湖 在縣西北二十里

夜不收湖 在縣西北百餘里鎮夷東北五十里臨胭脂堡止夜不收牧馬取草

官軍湖 在縣西北一百一十三里鎮夷東南三里

局匠湖 在縣西北一百二十里鎮夷東南一十里先年止局匠牧馬割草今軍民通牧焉

大湖 在縣西北一百二十里居民牧畜

兀魯乃湖 鎮夷北五百里係沙漠蒙古住牧之地爲行軍路綫

白鹽池 在縣西北一百三十里產白鹽